



Matvælaráðuneytið  
Borgartúni 26  
150 Reykjavík

Stykkishólmi, 15. desember 2023

**Umsögn um drög að tillögu til þingsályktunar um sjávarútvegsstefnu og frumvarp til laga um sjávarútveg**

Bæjarstjórn Stykkishólms hefur ávallt lagt þunga áherslu á mikilvægi skelbóta fyrir atvinnulífið í Stykkishólmi og þar með samfélagið í heild. Það blasir við að um er að ræða mikilvægt hagsmunamál fyrir atvinnulífið og fyrirtækin öll sem reka útgerð og fiskvinnslu í Stykkishólmi og nýta þær aflaheimildir sem hafa fylgt skelbótunum. Með þessum áformum sem felast í frumvarpinu er með tiltölulega litlum fyrirvara gert ráð fyrir að svipta skelútgerðir aflaheimildum og þar með skerða varanlega rekstrargrundvöll fyrirtækjanna. Sjávarútvegur hefur um árabil verið hryggjarstykkið í atvinnulífi Stykkishólms og stærsti hluti núverandi útsvarstekna sveitarfélagsins koma frá fyrirtækjum sem byggja rekstrargrunn sinn á skelbótum. Í Stykkishólmi hafa skelbætur þannig skipt sköpum fyrir byggðafestu og með því skerða varanlega rekstrargrundvöll handhafa skelbóta með þeim hætti sem lagt er til með frumvarpinu er á sama tíma verið að skerða varanlega rekstrargrundvöll sveitarfélagsins og þar með samfélagsins í Stykkishólmi. Bæjarstjórn leggur því þunga áherslu á mikilvægi þess að fallið verði frá þeim áformum sem frumvarpið felur í sér hvað varðandi skelbætur.

Vert er að minna á það að ákvörðun um skelbæturnar var byggð á þeirri staðreynd að útgerðarfyrirtækin sem fengu skelbætur þegar skelin hætti að veiðast höfðu verið látin skila inn aflaheimildum í bolfiski á móti aflaheimildunum í hörpudiski þegar kvótakerfið var lögfest. Þær aflaheimildir í bolfiski sem skelbátarnir skiluðu inn gengu inn í heildar aflamarks pottinn. Niðurfelling skelbótanna er því hrein eigna upptaka verði hún að veruleika. Þá er vert að minna á að skelbæturnar voru 2190 tonn þegar úthlutun þeirra hófst árið 2003 en hefur verið skorin verulega niður á tímabilinu og eru fyrir núverandi fiskveiðiár 1008 tonn.

**Þetta tilkynnist hér með.**

Virðingarfyllst,

Jakob Björgvin Sigmundarson Jakobsson,  
bæjarstjóri.

